



UNIVERSITÄTS-
BIBLIOTHEK
PADERBORN

**Libri// Officialis// Sive Agendae S.// Ecclesiae Treverensis
Pars// Prior**

Jakob <III., Trier, Erzbischof>

Avgvstae Treverorum, 1574

VD16 A 766

Officium Pastorum circa Sacramentum Ordinis.

[urn:nbn:de:hbz:466:1-72595](https://nbn-resolving.org/urn:nbn:de:hbz:466:1-72595)

OFFICIUM PASTORVM
CIRCA SACRAMENTVM
Ordinis.

Pastor faciat inquisitionem de idoneitate ordinandi, quod illi magis perspecta esse soleat, eamque mittat Episcopo, ne cito aut leuiter manus alicui imponantur. I

In concilio Tridentino præcipitur vt promouendi ad minores ordines à Pastore, & à magistro scholæ in qua educantur, testimonium habeant, hi vero, qui ad singulos maiores ordines erunt assumendi, per mensem ante ordinationem Episcopum adeant, qui pastori aut alteri, cui magis expedire videbitur, committat, vt nomina ac desideria eorum, qui volēt promoueri, publicè in Ecclesia proponat, atque de ipsorum ordinandorum natalibus, ætate, moribus, & vita à fide dignis diligenter inquirat, & literas testimoniales ipsam inquisitionem factā continētes, ad ipsum Episcopū, quamprimum scribat, vt eorū quoque iudicio & testimonio probetur, quibus sunt præficiendi, sicq; fiet, vt libentius eos sequantur, & in honore habeant, quos ipsi probauerint, non nisi probatis, hoc est, honestis, doctis, & in quibus nulla sit aut generis infamia, aut ætatis, morūque leuitas ad Ecclesiastica ministeria locum, aut aditum patere, suos quoque filios maiori cura & sanctè educādos, & piè diligentēque in literis moribūque instituendos curent. II

Sess. 23.
de Reformatione
cap. 5.

Pastor qui proclamationem in Ecclesia, & inquisitionem ordinandum præcipuè facere debet, intelligat quæ sit ordinum dignitas, quæ singulorum officia, qui commendari, quisque non commendari Episcopo debeant. III

In ordine necessaria est gratia ad publicum ministerium Ecclesiæ, & ad totius populi salutem, quare etiam illi tantum diebus fiunt ordinationes, quando indicta sunt solennia ieiunia, vt videlicet populus orando, & ieiunando idoneos Ecclesiæ ministros, & sanctos sacerdotes à Deo impetret, ad quod etiam pastor suos in concionibus hortari debet. IIII

P

Quid

De Sacramento Quid sit Ordo, vel ordinis Sacramen- tum, & quid ordinari, vel ad ordi- nes promoueri

Ordo est signaculum in quo spiritualis potestas traditur ordina-
to, & dicitur signaculū, quia traditur cum signo exteriori, quod
in materia & certa forma consistit. Ordinari est talem potestatem
verbis, & signis exterioribus accipere, addita quoque cælesti gratia,
vt quis sit idoneus Ecclesiæ minister.

Materia.

Materia est illud per cuius traditionem confertur ordo, sicut in
Sacerdotio calix cum vino, & patena cum pane: In Diaconatu,
liber Euangeliorum. In Subdiaconatu, calix vacuus cum patena va-
cua. Acolythis, dantur vrceoli vini & aquæ. Lectoribus, liber le-
ctionum. Exorcistis, liber exorcismorum, hoc est adiurationum, ad
expellendos dæmones ab obsessis: Ostiarijs, clauces, ad claudendas &
aperiendas fores templi.

Forma.

Forma ordinis consistit in verbis illis, quæ proferuntur ab Epi-
scopo cum quibus tradit materiam, & potestatem ministrandi in
Ecclesia, vt cum dicitur in ordinatione Sacerdotis tradendo calicē:
*Accipē potestatem offerendi sacrificium, in Ecclesia pro viuis &
mortuis, in nomine Patris, & Filij, & Spiritus sancti: & sic de alijs
ordinibus.*

Minister.

Ordinarius minister, cuius est ordines conferre, est Episcopus pro-
prius sub quo vel renatus, vel beneficium habet ordinandus.
Nam ab alieno Episcopo nemo ordinari potest, nisi impetratis literis
dimissorijs ab Episcopo proprio, in quibus probitas & mores ordinā-
di commendentur, literas enim dimissorias nec Abbates, nec Capitu-
lum

lum Cathedrale, etiam sede vacante, nec vllus alius præter Episcopum proprium concedere potest, excepto summo Pontifice.

Effectus

Effectus est gratia quæ confertur dignè suscipientibus, hoc est, contritis & confessis, per quam iustificamur, vel in iustitia proficimur.

Alius effectus est collatio potestatis spiritualis, vocaturque character, qui est signum quoddam inuisibile & indelebile, quod animæ suscipientium imprimitur, & quo ita à laicis distinguntur, & eximuntur ordinati, vt nunquam semel susceptum ordinem amittere possint, neque per excommunicationem, neque per degradationem, neque per vllam infidelitatem, quanquam vsum & executionem per hæc, & alia sæpè amittat, vt ministrare in ordine suscepto sine magno peccato, non possit.

Quot ordines & qui.

Septem, Ostiariorum, Exorcistarum, Lectorū, Acolythorum, Subdiaconorum, Diaconorum, Sacerdotum. Quatuor primi dicuntur Minores, quia circa minora ministeria versantur. Tres reliqui dicuntur maiores & sacri, quia circa res sacras, hoc est, circa ipsum Sacramentum Eucharistiæ, & vasa sacra in maioribus ministerijs occupantur. Quare & maiori sanctitate & perpetua castitate excellere debent.

Officia singulorum ordinum.

Ostiariorum officium est, seruire clauis templi, excludere indignos, & maximè infideles, atque admittere fideles, quod officium olim valde necessarium erat, cum Ecclesia inter Ethnicos & infideles ac barbaros esset constituta, & olim ad sacrificium missæ assistebat, ne quis propius ad altare accederet, & Sacerdotem turbaret.

Exorcistæ expellebant dæmones ab Energumenis & obfessis.

Lectoris officium est, legere clara voce, vel cantare in Ecclesia prophetias & scripturas sacras, maximè in nocturna psalmodia.

Acolythi, hoc est quasi pedissequi, quia comitatur & sequuntur eos, qui sunt in maioribus ordinibus, horum officium est vrceolos cum vino & aqua subdiacono ministrare lumina & cereos accedere vnde